

2009 nr. 42 8. apríl

[Lög um vishönnun vöru sem tengist orkunotkun]¹⁾

¹⁾ L. 118/2014, 13. gr.

Tóku gildi 17. apríl 2009. EES-samningurinn: II. og IV. viðauki tilskipun 2009/125/EB. Breytt með: L. 126/2011 (tóku gildi 30. sept. 2011). L. 118/2014 (tóku gildi 11. des. 2014). L. 137/2019 (tóku gildi 31. des. 2019).

Ef í lögum þessum er getið um ráðherra eða ráðuneyti án þess að málefnasvið sé tilgreint sérstaklega eða til þess vísað, er átt við **ferðamála-, iðnaðar- og nýsköpunarráðherra** eða **atvinnuvega- og nýsköpunarráðuneyti** sem fer með lög þessi.

■ 1. gr. Markmið.

□ Tilgangur laga þessara er að stuðla að vishönnun vöru sem [tengist orkunotkun]¹⁾ með það að markmiði að efla hönnun, framleiðslu, markaðssetningu og notkun á vörum sem eru umhverfisvænar, með minni orkunotkun og umhverfisálag að leiðarljósi. [Lögin skulu tryggja samræmi í vishönnun innan Evrópska efnahagssvæðisins og frjálst flæði á slíkum vörum á sameiginlegum innri markaði Evrópska efnahagssvæðisins.]¹⁾

¹⁾ L. 118/2014, 1. gr.

■ 2. gr. Gildissvið.

□ [Lög þessi gilda um vörur sem tengjast orkunotkun og fjalla um hvaða kröfur þær skulu uppfylla svo að setja megi þær á markað og/eða taka í notkun hér á landi og veita laga-stöð fyrir nánari reglum sem settar verða svo að vara sem tengist orkunotkun megi fara á markað og vera tekin í notkun hér á landi.]¹⁾

□ Lögin taka til nýrrar vöru og hluta og undireininga hennar, [sem tengjast orkunotkun],¹⁾ og flutt er inn, tekin í notkun eða framleidd hér á landi eftir gildistöku laga þessara.

□ Lögin taka ekki til farartækja eða vöru sem [tengist orkunotkun]¹⁾ og hefur þegar verið tekin til notkunar.

□ [Farþega- og vöruflutningar falla utan gildissviðs þessara laga.]¹⁾

¹⁾ L. 118/2014, 2. gr.

■ 3. gr. Skilgreiningar.

□ Í lögum þessum er merking eftirtalinnna orða og orðasambanda sem hér segir:

a. [Vara sem tengist orkunotkun: Vara sem er sett á markað og/eða tekin í notkun og nýtir orku til að virka sem skyldi eða hefur áhrif á orkunotkun þegar hún er í notkun. Hér teljast einnig með hlutir orkutengdrar vöru.]¹⁾

b. *Hlutir og undireingar:* Hlutir sem ætlunin er að setja í vörur sem [tengjast orkunotkun],¹⁾ en eru ekki settir á markað og/eða teknir í notkun sem stakir hlutir fyrir notendur eða ekki er unnt að meta sérstaklega að því er varðar vistvænleika.

c. *Framleiðandi:* Einstaklingur eða lögaðili sem framleiðir vörur sem falla undir þessi lög og ber ábyrgð á að þær séu í samræmi við þessi lög með tilliti til þess að setja þær á markað og/eða taka þær í notkun undir eigin nafni framleiðanda eða vörumerki eða til eigin notkunar framleiðanda. Ef framleiðandi eða innflytjandi er ekki til staðar skal hver einstaklingur eða lögaðili sem setur á markað og/eða tekur í notkun vörur sem falla undir lög þessi teljast framleiðandi.

d. *Viðurkenndur fulltrúi:* Einstaklingur eða lögaðili með staðfestu á EES-svæðinu sem hefur skriflegt umboð frá framleiðanda til að uppfylla, að öllu leyti eða að hluta til, skuldbindingar og formsatriði fyrir hans hönd að því er varðar lög þessi.

e. *Innflytjandi:* Einstaklingur eða lögaðili með staðfestu á EES-svæðinu sem setur vöru frá þriðja landi á markað á EES-svæðinu sem lið í starfsemi sinni.

f. *Vistferill:* Samfelld og samtengd stig á ferli vöru frá notkun sem hráefni til endanlegrar förgunar.

g. *Vishönnun:* Að fella umhverfisþætti inn í vöruhönnun í því skyni að bæta vistvænleika vöru allan vistferil hennar.

[h. *Setja á markað:* Að bjóða fram vöru í fyrsta sinn á markaði á Evrópska efnahagssvæðinu til dreifingar eða til notkunar óháð því hvort varan er seld eða gefin til kynningar.

i. *Taka í notkun:* Að nota vöru með tilætluðum hætti í fyrsta sinn á Evrópska efnahagssvæðinu.

j. *Umhverfisálag:* Öll áhrif á umhverfið eingöngu eða að hluta til vegna vöru í gegnum vistferil hennar.

k. *Umhverfisþáttur:* Hluti eða virkni vöru sem hefur áhrif á umhverfi í gegnum vistferil vörunnar.]¹⁾

¹⁾ L. 118/2014, 3. gr.

■ 4. gr. Orkunýtnikröfur.

□ Eingöngu er heimilt að setja á markað vöru sem uppfyllir reglur um orkunýtni og umhverfisálag samkvæmt lögum þessum og reglum sem settar hafa verið á grundvelli þeirra og:

a. farið hefur fram mat á því hvort varan eða hluti hennar sé í samræmi við kröfur laga þessara eða reglna sem settar hafa verið á grundvelli þeirra,

b. lögð hefur verið fram samræmisýfirlýsing þess efnis að varan uppfylli þær kröfur sem gerðar eru, og

c. varan eða hluti hennar er merktur CE-samræmismarkeringu.

□ [Öll misnotkun á CE-merkinu, svo og notkun sem getur leitt til ruglings við það merki, er bönnuð.]¹⁾

□ Óheimilt er að banna markaðssetningu vöru sem uppfyllir kröfur um orkunýtni og umhverfisálag samkvæmt lögum þessum og reglum sem settar hafa verið, enda uppfylli hún skilyrði annarra laga og reglna.

□ Ef vara telst uppfylla orkunýtnikröfur annars EES-lands verður hún talin uppfylla orkunýtnikröfur hérlendis. Í reglum sem [Húsnæðis- og mannvirkjastofnun]²⁾ setur skal birtur listi yfir samræmda evrópska staðla sem samþykktir hafa verið og gilda á Evrópska efnahagssvæðinu.

¹⁾ L. 118/2014, 4. gr. ²⁾ L. 137/2019, 19. gr.

■ 5. gr. Samræmisýfirlýsingar.

□ Framleiðandi eða viðurkenndur fulltrúi hans skal gefa út samræmisýfirlýsingu sem tryggir að vara samrýmist reglugerðum settum á grundvelli laga þessara.

□ [Í samræmisýfirlýsingu skv. 1. mgr. skulu eftirfarandi atriði koma fram:

1. Nafn og heimilisfang framleiðanda eða viðurkennds fulltrúa hans.

2. Lýsing á vörunni, svo sem vörunúmer eða aðrar upplýsingar sem nægja til að bera kennsl á hana án alls vafa.

3. Ef við á, tilvísanir í þá samhæfðu staðla sem notaðir eru.

4. Ef við á, aðrir tæknistaðlar og forskriftir sem notaðar eru.

5. Ef við á, tilvísun í aðra löggjöf þar sem kveðið er á um áfestingu CE-merkisins sem notast er við.

6. Auðkenni og undirskrift þess sem hefur umboð til að skuldbinda framleiðandann eða viðurkenndan fulltrúa hans.

□ [Húsnæðis- og mannvirkjastofnun]¹⁾ birtir á heimasíðu

stofnunarinnar tilvísanir í staðla sem gilda um einstakar vörur eða flokk vara sem tengjast orkunotkun.²⁾

¹⁾ L. 137/2019, 19. gr. ²⁾ L. 118/2014, 5. gr.

■ **6. gr. Samræmismat.**

□ Framleiðanda eða viðurkenndum fulltrúa hans er skylt að tryggja að samræmismat vöru hafi farið fram áður en vara er flutt inn eða markaðssett.

□ [Kröfur, sem gerðar eru til einstakra tegunda eða flokka vara í samræmismati, skulu útfærðar í reglugerðum.

□ [Húsnæðis- og mannvirkjastofnun]¹⁾ skal ganga út frá því að stjórnunarkerfi, sem eru skráð og staðfest af löggjöf sem gildir á Evrópska efnahagssvæðinu, uppfylli kröfur um stjórnunarkerfi.²⁾

□ Framleiðanda eða viðurkenndum fulltrúa hans er skylt að geyma samræmismat sem hefur verið framkvæmt og útgefnar samræmisýfirlýsingar í að minnsta kosti 10 ár eftir að framleiðslu vöru lýkur. Berist framleiðanda eða fulltrúa hans beiðni um gögn þar að lútandi frá [Húsnæðis- og mannvirkjastofnun]¹⁾ skulu þau gerð aðgengileg innan 10 daga frá viðtöku beiðninnar.

¹⁾ L. 137/2019, 19. gr. ²⁾ L. 118/2014, 6. gr.

■ **7. gr. Samræmismerkingar.**

□ Vara skal bera CE-samræmismerki, sem samansett er af upphafsstöfunum „CE“, áður en hún er sett á markað [eða tekin til notkunar].¹⁾

□ Ef vara ber nú þegar CE-samræmismerki skal litið svo á að samræmismerkið sé staðfesting á því að hún fullnægi kröfum sem gerðar eru í lögum þessum og reglugerðum settum á grundvelli þeirra að þessu leyti.

□ Að öðru leyti fer um samræmismerkingar og samræmismat samkvæmt lögum um öryggi vöru og opinbera markaðsgæslu og reglum settum á grundvelli þeirra.

¹⁾ L. 118/2014, 7. gr.

■ **8. gr. Ábyrgð framleiðanda, fulltrúa hans eða innflytjanda.**

□ Framleiðandi eða viðurkenndur fulltrúi hans, sem flytur inn vörur, ber ábyrgð á að vörur hans uppfylli orkunýtnikröfur samkvæmt lögum þessum og reglum sem settar hafa verið.

□ Ef hvorki framleiðandi né viðurkenndur fulltrúi hans er staðsettur innan EES-svæðisins ber innflytjandi ábyrgð á því að markaðssettar vörur séu í samræmi við orkunýtnikröfur sem gerðar hafa verið. Innflytjandi ber einnig ábyrgð á því að samræmisýfirlýsing og tæknilegar upplýsingar séu aðgengilegar eins og gert er ráð fyrir í lögum þessum eða reglugerðum settum á grundvelli þeirra.

■ **9. gr. Upplýsingaskylda framleiðanda og seljanda.**

□ Framleiðandi skal tryggja að neytendur fái upplýsingar um umhverfiseiginleika og afköst vöru sem [tengist orkunotkun]¹⁾ og ráðleggja þeim hvernig skuli nota vöruna á umhverfisvænan hátt.

¹⁾ L. 118/2014, 8. gr.

■ **10. gr. [Framkvæmd og eftirlit].¹⁾**

□ [Ráðherra]²⁾ fer með framkvæmd laga þessara. Eftirlit og dagleg stjórnýsla á því sviði sem löggin ná til skal þó vera í höndum [Húsnæðis- og mannvirkjastofnunar].³⁾ [Húsnæðis- og mannvirkjastofnun]³⁾ tekur við tilkynningum um vörur sem ekki eru í samræmi við kröfur laga þessara og reglna settra samkvæmt þeim og annast samskipti vegna þeirra við önnur eftirlitsstjórnvöld á Evrópska efnahagssvæðinu.

□ Við framkvæmd eftirlits skal að öðru leyti farið eftir lög-

um um öryggi vöru og opinbera markaðsgæslu, eftir því sem við á.

¹⁾ L. 118/2014, 9. gr. ²⁾ L. 126/2011, 508. gr. ³⁾ L. 137/2019, 19. gr.

■ **11. gr. [Markaðseftirlit [Húsnæðis- og mannvirkjastofnunar].¹⁾**

□ [Húsnæðis- og mannvirkjastofnun]¹⁾ tekur við ábendingum og skal fara með markaðseftirlit í samræmi við ákvæði laga þessara og reglna settra samkvæmt þeim.

□ [Húsnæðis- og mannvirkjastofnun]¹⁾ getur falið faggiltri skoðunarstofu að annast markaðseftirlit eða faggiltri prófunarstofu að prófa og meta hvort vara sem fellur undir lög þessi uppfylli kröfur laganna og reglugerða sem settar eru samkvæmt þeim. Um faggildinguna gilda ákvæði laga nr. 24/2006, um faggildinguna o.fl. Beiting úrræða skv. 13. og 14. gr. skal vera í höndum [Húsnæðis- og mannvirkjastofnunar].¹⁾

□ Innflytjandi, framleiðandi eða viðurkenndur fulltrúi hans hér á landi skal halda skrá með upplýsingum um birgja og þá sem bjóða fram vörur hans.²⁾

¹⁾ L. 137/2019, 19. gr. ²⁾ L. 118/2014, 10. gr.

■ **[12. gr. Heimild til skoðunar og upplýsingaskylda.**

□ [Húsnæðis- og mannvirkjastofnun]¹⁾ eða eftir atvikum faggiltri skoðunarstofu, er heimilt að skoða vöru hjá framleiðanda, viðurkenndum fulltrúa hans, innflytjanda eða seljanda, taka sýnishorn af vöru til rannsókna og krefja þá um allar nauðsynlegar upplýsingar og gögn, svo sem aðgang að skrá yfir þá sem hafa vöruna á boðstólum, skýrslur um prófanir eða útreikninga og tæknileg gögn.

□ Framleiðandi eða viðurkenndur fulltrúi hans ber kostnað vegna þeirra sýnishorna vöru sem tekin eru til rannsókna. Að lokinni rannsókn skal sýnishorn skilað eða þau eyðilögð með öruggum hætti eftir atvikum. Sýnishorn vöru samkvæmt þessari grein er að jafnaði eitt eintak vöru eða lágmarksfjöldi sem nauðsynlegur er til að framkvæma rannsókn.

□ Framleiðandi eða viðurkenndur fulltrúi hans ber allan kostnað af athugun á því hvort vara sé í samræmi við settar reglur, svo sem kostnað sem hlýst af skoðun, rannsókn og prófun, flutningskostnað, svo og annan kostnað sem er í beinum og efnislegum tengslum við eftirlitið. Framleiðandi eða viðurkenndur fulltrúi hans greiðir auk þess allan kostnað af tilkynningum sem beint er til almennings, svo sem kostnað við tilkynningar í fjölmiðlum.

□ [Húsnæðis- og mannvirkjastofnun]¹⁾ skal gera nauðsynlegar ráðstafanir til að tryggja að upplýsingarnar, sem veittar eru við málsmeðferðina, teljist trúnaðargögn þegar slíkt telst réttmætt.

□ [Húsnæðis- og mannvirkjastofnun]¹⁾ skal tilkynna til Eftirlitsstofnunar EFTA ákvarðanir um bann og afturköllun á vörum.²⁾

¹⁾ L. 137/2019, 19. gr. ²⁾ L. 118/2014, 10. gr.

■ **[13. gr. Réttarráæði [Húsnæðis- og mannvirkjastofnunar].¹⁾**

□ [Húsnæðis- og mannvirkjastofnun]¹⁾ getur fyrirskipað innköllun, tekið af markaði eða bannað sölu eða afhendingu vöru sem tengist orkunotkun ef hún uppfyllir ekki skilyrði laga þessara og reglugerða settra samkvæmt þeim, þ.m.t. um merkingar, leiðbeiningar og gögn sem ber að útbúa og hafa tiltæk.

□ [Húsnæðis- og mannvirkjastofnun]¹⁾ er heimilt að beita dagsektum, allt að 200.000 kr. á dag, til að knýja á um þær skyldur sem löggin kveða á um eða að látið sé af ólögmatu atferli. Dagsektir skulu renna í ríkissjóð. Ákvörðun um dag-

sektir skal tilkynnt skriflega á sannanlegan hátt þeim sem hún beinist að. Dagektir má innheimta með fjárnámi.

□ Ákvörðun um dagektir má skjóta til úrskurðarnefndar umhverfis- og auðlindamála innan fjórtán daga frá því að hún er kynnt þeim er hún beinist að. Dagektir reiknast ekki fyrir en frestur er liðinn.

□ Ef ákvörðun er skotið til úrskurðarnefndar umhverfis- og auðlindamála falla dagektir ekki á fyrir en niðurstaða hennar liggur fyrir. Ákvörðun [Húsnæðis- og mannvirkjastofnunar]¹⁾ verður ekki borin undir dómstóla fyrir en úrskurður úrskurðarnefndar umhverfis- og auðlindamála liggur fyrir.²⁾

¹⁾ L. 137/2019, 19. gr. ²⁾ L. 118/2014, 10. gr.

■ [14. gr. Viðurlög.

□ [Húsnæðis- og mannvirkjastofnun]¹⁾ getur lagt stjórnvaldssektir á fyrirtæki sem brjóta gegn ákvæðum laga þessara og reglna settra samkvæmt þeim og ákvæðunum eftirlitsaðila. Slíkar sektir geta numið allt að 5 millj. kr. og skulu þær renna í ríkissjóð.²⁾

¹⁾ L. 137/2019, 19. gr. ²⁾ L. 118/2014, 10. gr.

■ [15. gr. Kæra ákvarðana [Húsnæðis- og mannvirkjastofnunar].¹⁾

□ Ákvörðunum sem [Húsnæðis- og mannvirkjastofnun]¹⁾ tekur á grundvelli laga þessara má skjóta til úrskurðarnefndar umhverfis- og auðlindamála sem starfar á grundvelli laga um úrskurðarnefnd umhverfis- og auðlindamála.

□ Ákvörðun [Húsnæðis- og mannvirkjastofnunar]¹⁾ verður ekki borin undir dómstóla fyrir en úrskurður úrskurðarnefndar umhverfis- og auðlindamála liggur fyrir.

□ Nú vill aðili ekki una úrskurði úrskurðarnefndar og getur hann þá höfðað mál til ógildingar fyrir dómstólum. Mál skal höfðað innan sex mánaða frá því að aðili fékk vitneskju um úrskurð úrskurðarnefndar.

□ Málshöfðun frestar ekki gildistöku úrskurðar nefndarinnar né heimild til aðfarar.²⁾

¹⁾ L. 137/2019, 19. gr. ²⁾ L. 118/2014, 10. gr.

■ [16. gr.]¹⁾ Reglugerðarheimildir.

□ [Ráðherra]²⁾ er heimilt að setja reglugerðir³⁾ um nánari

framkvæmd laga þessara, þar á meðal reglur um hvaða vörur falli innan gildissviðs laganna, hvaða flokkar vöru sem [tengist orkunotkun]⁴⁾ þurfi að uppfylla kröfur um orkunýtni og hvaða kröfur vara þurfi að uppfylla. Einnig er ráðherra heimilt að kveða nánar á um upplýsingaskyldu framleiðanda og/ eða innflytjanda í reglugerð.

□ Þá er ráðherra heimilt að kveða í reglugerð nánar á um önnur atriði er varða framkvæmd laganna, svo sem varðandi samræmismat, -merkingar og -yfirlýsingar.

¹⁾ L. 118/2014, 10. gr. ²⁾ L. 126/2011, 508. gr. ³⁾ Rg. 163/2014, sbr. 50/2018. Rg. 164/2014, sbr. 868/2016. Rg. 841/2015, sbr. 68/2018 og 1174/2020. Rg. 151/2016, sbr. 47/2018. Rg. 153/2016, sbr. 48/2018. Rg. 156/2016, sbr. 49/2018. Rg. 345/2016, sbr. 52/2018. Rg. 614/2016, sbr. 63/2018. Rg. 615/2016, sbr. 64/2018. Rg. 618/2016, sbr. 65/2018. Rg. 619/2016, sbr. 66/2018. Rg. 1177/2016. Rg. 930/2017, sbr. 69/2018. Rg. 836/2018. Rg. 949/2020. Rg. 1175/2020. ⁴⁾ L. 118/2014, 11. gr.

■ [17. gr.]¹⁾ Innleiðing tilskipunar.

□ [Lög þessi fela í sér innleiðingu á tilskipun Evrópuþingsins og ráðsins 2009/125/EB frá 21. október 2009 um ramma til að setja fram kröfur varðandi visthönnun að því er varðar orkutengdar vörur (endurútféfin) eins og hún var tekin upp í samninginn um Evrópska efnahagssvæðið með ákvörðun sameiginlegu EES-nefndarinnar nr. 67/2011, sem birt var 6. október 2011 í EES-viðbæti við Stjórnartíðindi Evrópusambandsins nr. 54/2011, ásamt frekari tilskipunum sem innleiddar verða með reglugerðum²⁾ samkvæmt heimild í lögum þessum.]³⁾

¹⁾ L. 118/2014, 10. gr. ²⁾ Rg. 417/2011, sbr. 157/2016 og 56/2018. Rg. 418/2011, sbr. 57/2018. Rg. 420/2011, sbr. 888/2014 og 59/2018. Rg. 421/2011, sbr. 644/2013, 60/2018 og 948/2020. Rg. 422/2011, sbr. 158/2016 og 61/2018. Rg. 423/2011, sbr. 62/2018. Rg. 578/2011, sbr. 866/2016. Rg. 579/2011, sbr. 294/2013 og 867/2016. Rg. 580/2011. Rg. 293/2013, sbr. 51/2018. Rg. 387/2013, sbr. 53/2018. Rg. 389/2013, sbr. 54/2018. Rg. 390/2013, sbr. 55/2018. Rg. 643/2013, sbr. 67/2018. ³⁾ L. 118/2014, 12. gr.

■ [18. gr.]¹⁾ Gildistaka.

□ Lög þessi öðlast þegar gildi.

□ ... Reglugerðir sem settar hafa verið á grundvelli þeirra laga²⁾ halda gildi sínu með þeim breytingum sem leiðir af lögum þessum.

¹⁾ L. 118/2014, 10. gr. ²⁾ Þ.e. l. 51/2000.